



প্রধানমন্ত্রীৰদপ্তৰ

প্রধানমন্ত্রীর সঙ্গে সাক্ষাত করলেন ‘নাবিকা সাগর পরিক্রমা’র মহিলা নাবিকরা ভারতে এটাই প্রথম সম্পূর্ণ মহিলা নাবিকদের দ্বারা পরিচালিত জলপথে পৃথিবী পরিক্রমণ

Posted On: 17 AUG 2017 5:14PM by PIB Kolkata

ভারতে এটাই প্রথম সম্পূর্ণ মহিলা নাবিকদের দ্বারা পরিচালিত জলপথে পৃথিবী পরিক্রমণ। তারা এই মাসের শেষ দিকে গোয়া থেকে তাদের যাত্রা শুরু করবেন এবং পৃথিবী পরিক্রমা শেষ ২০১৮ সালের মার্চ মাস নাগাদ পুনরায় গোয়া ফিরে আসবেন বলে আশা করা যাচ্ছে। এই অভিযানের নাম দেওয়া হয়েছে ‘নাবিকা সাগর পরিক্রমা’। এই পরিক্রমা পাঁচটি পর্যায়ে সম্পন্ন হবে, অর্থাৎ চারটি জায়গায় হবে যাত্রাবিরতি: ফ্রিম্যান্টেল (অস্ট্রেলিয়া), লিটলটন (নিউজিল্যান্ড), পোর্টস্যানলি (ফকল্যান্ড) এবং কেপ টাউন (দক্ষিণ আফ্রিকা)।

আই.এন.এস.ডি. তারিগী হচ্ছে দেশীয় প্রযুক্তিতে নির্মিত একটি ৫৫ ফুটের জলযান, যাকে এই বছরের শুরুতে ভারতীয় নৌসেনায় যুক্ত করা হয়েছে।

আলোচনা কালে নাবিকরা প্রধানমন্ত্রীর কাছে তাদের আসন্ন সমুদ্র যাত্রার বিস্তৃত ব্যাখ্যা তুলে ধরেন। প্রধানমন্ত্রী মহিলা নাবিকদের শুভেচ্ছা কামনা করেন এবং বলেন যে, তাদের পৃথিবী পরিক্রমার গতিপথের তথ্য তিনি রাখবেন। ভারতের সক্ষমতা ও শক্তিকে পৃথিবী জুড়ে বিস্তারিত করার জন্য তিনি তাদেরকে উৎসাহ দেন। জলপথে এই সফল প্রদক্ষিণের পর তাদের অভিজ্ঞতার কথা লিখে সবার সঙ্গে ভাগ করে নেওয়ার জন্যও তিনি তাদেরকে অনুপ্রাণিত করেন।

এই ভেসেলের অধিনায়ক হচ্ছেন লেফটেন্যান্ট কমান্ডার ভর্তিকা যোশী। এছাড়া বাকি সদস্যরা হচ্ছেন লেফটেন্যান্ট কমান্ডার প্রতিভা জামওয়াল,পি. সোয়াথি এবং লেফটেন্যান্ট এস. বিজয় দেবী, বি. ঐশ্বর্য এবং পায়েল গুপ্ত।

(Release ID: 1499966) Visitor Counter : 2

Background release reference

ভারতে এটাই প্রথম সম্পূর্ণ মহিলা নাবিকদের দ্বারা পরিচালিত জলপথে পৃথিবী পরিক্রমণ

